

Quando civitas Damiatæ amissa est.

CAP. CLXIX.

Anno Domini MCCXXII dominus Pelagius, Apostolicæ sedis legatus, cum multis millibus Christianorum et maxime Alamanorum, Francorum, Romanorum, civitatem Damiatæ reliquerat [a], et in occursum Saracenorum iter arripuerat [b], civitate Damiatæ optime relicta munita [c]. Et cum jam separati essent a civitate prædicta, fere per miliaria LX, subito flumen quoddam vocatum Euphrates [d] voluntate divina a montanis partibus, sicut ejus consuetudo est provinciam illam semel in anno irrigare, inundavit; in quo fluvio multa millia Christianorum et maxime Romanorum fame, aquis et gladio perierunt. At ubi Saraceni, videntes quod Christiani suis succursum præbere nequirent, et retro non possent reverti [e], quod sine lacrimis vix dicere quimus, recepta est ab Saracenis civitas Damiatæ et multa millia Christianorum (102) utriusque sexus cum illa. Illos vero, qui ad tuitionem liciarum [f] et civitatis erant, similiter et eos, qui in castro Thaneos aderant, in manus Saracenorum tradentes [g], ipsi domino Pelagio omnem culpam impenderunt.

De tertia destructione castri Imolæ et de
destructione et obsidione Imolæ.

CAP. CLXX.

Anno a Virginis partu CCXXII post mille die tertio intrante Januario Imolenses una cum ipsius civitatis episcopo, qui eorum erat rector, castrum Imolæ destruxerunt [i] ac combusserunt hostiliter, datis tribus millibus librarum [j] bon. hominibus [k] in dicto castro habitantibus [l], tali quidem conditione, ut de castro se debeant ad civitatem transferre, ipsos vero locantes a porta Laviscis [m] usque ad portam Spivilliam [A], et essent etiam perpetuo cives. Hac quidem occasione, Faventini

[a] Damiatæ reliquerat. Sic lego. In Codd., *Damiatæ relinquerat*. — [b] iter arripuerat. Sic corrigo; *iter ariperat*, Codd. — [c] relicta munita, C. V.; *relicte munita*, C. M. — [d] flumen quoddam vocatum Euphrates. Sic lego. In C. M., *flumen quoddam vocatum Eufratem*. In C. V., *fluvium quoddam vocatum Euphrates*. — [e] possent reverti. Sic lego; *posse reverti*, Codd. — [f] liciarum. Sic lego idest, quod vulgo dicimus, *fortificationi*, *linee ec. Liceaurum*, C. M.; in C. V. est lacuna. — [g] in manus Saracenorum tradentes. In Codd., post verbum *tradentes*, est punctum; sed vitiose, ut opinor. Omitto igitur punctum, ut sensus sit: *qui tradiderunt illos, qui ad tuitionem etc. sive participialiter in casu recto, tradentes illos qui etc. ipsi Pelagio omnem culpam impenderunt*. — [h] Anno a Virginis partu CCXXII post mille, C. M.; *Anno Domini MCCXXII*, C. V. — [i] Imolæ destruxerunt, C. V.; *Imolæ destruerunt*, C. M. — [j] tribus millibus librarum, C. V.; *MMM libris*, C. M. — [k] bon. hominibus, C. M.; *Bonon. hominibus*, C. V.; *Bononiensium*, legendum. — [l] habitantibus, C. V.; *abitantibus*, C. M.; *ab inrantibus* legit Cl. Mitt. — [m] a Porta Laviscis. Sic Codd. Alibi hæc porta vocata fuit *Laviscæ*. Vid. Cap. XLIX.

[A] Sic Codd. In charta deditionis Imolensium a Tondut. (p. 216) allata, legitur: *Porta Spavilla*. In eadem vero charta in lib. I *Iurium Confinium*, Archiv. Bonon. existente, habetur: *Porta Spinulla*.